

Rerum humanarum est Circulus.

Circulus assidua qui se vertigine torquens,
In se gyrate tramite currit iter;
Quàm viua est vitæ semper labentis imago;
In se quæ tritas itq; reditq; vias!
In se, non rectâ. Secus, aut in peius abibit
Semper, & humanum sic ruet omne genus:
Aut fiat melior semper, vitâq; fruemur
Diis æqua; diuûm sic cadet omnishonos.
Elige: num fiunt tantùm peiora? peribit
Omne genus nostrûm; num meliora? deûm:
Quid? non absorbent secla, absorptosq; reieciunt
Virtutem, & mores cum pietate bonos?
Sic & musarum dispensant flamina Parcæ;
Et reduces, iures cùm periisse, vides.
Sic post sceptrâ Iouis redeunt Saturnia: sic post
Consumptas quadras copia læta venit.
Cuncta fluunt resuuntq;: æquato examine lances
Sustinet omnipotens, quæ rotat astra manu.
Sustinet, & fatum imponit regnûmq; virûmq;,
Virtutis, morum, Martis, & artis idem.
Pondere de vergit lanx hæc, mox emicat altè:
Illa bonis lanx est, illa referta malis.
Non semper vergit lanx illa vel illa; nec vltra
Vergere mensuras illa vel illa potest.
Ergo fluunt humana, sed alternantia; cedunt
Optima quæq; malis, pessima quæq; bonis.

Nili incrementum est diuinitatis.

Non pauci populi, non pauci quærere reges
Olim dignati, fons vbi, Nile, tuus.
Fonte sed intacto, nos incrementa (quod ipsum
Quæstio non minor est) quærimus vnde fient:
Nempe quod æstiuus, cùm findit Sirius agros,
Cæteraq; absunxit flumina, crescis aquis,
Anne quod Oceanus tunc in te irrumpit? At ille
Salsus, item falsas suppeditaret aquas.
An quod ab Antipodum terris erumpis? At æsis
Tum quoque torretur solibus illa plaga.
Anne per occultas tunc flumina cuncta latebras
Conglomerantur? At hoc credere vana fides.
Anne quod aggestis claudit tua ventus arenis
Ostia, tum solitus sollicitare Thetin?
At prius exundas, quàm ventus is incipit: & cur
Flumina non etiam Græca tumere facit?
Restat, vt à Ioue sint. Nam quis ex crescere possis,
A Ioue tunc imbres excipis atq; nives.
Longius à Capro nam cùm sol brachia Cancri
Aggreditur, partim temperat ipse Caprum:
Vnde, licet tunc non Aegypto pluerit, at sub
Capro (primus vbi fons tibi, Nile) pluit:
Partim etiam gelidas sub Cancro torridus æstu
Solvit Marimaricæ periuga summa nives.
Vndiq; tum capiens vnus pluvialisq; nivelsq;
Alueus, in latos æstuat altus agros.

Ergo Iovem, Nili potor, non obice Græcis;
Non minùs es Græcis indigus ipse Iouis.